



Najaaraq Møller
Inatsisartunut ilaasortaq, Siumut

**Ilisimatusarfimmi ilinniartitsisunut perorsaasunullu inuussutissarsiornermut
bacheloritut ilinniarsimasunut kandidatitut ilinniarnissamut neqeroorut pillugu - §
37 naapertorlugu apequtigineqartumut nr. 012/2024- imut akissut**

01-02-2024
Suliap normua.: 2024 - 1595
All. nr. 23817200

Postboks 1029
3900 Nuuk
Oqarasuaat: +299 34 50 00
Email: ikin@nаноq.gl
www.nаноq.gl

Asasara Najaaraq Møller,

Inatsisartut suleriaasiat naapertorlugu apequtinnut qujanaq. Apequtigineqartut
tullinnguuttuni akissuteqarfigissavakka.

**Apequt 1: Ilinniartitsisutut perorsaasutullu professionsbacheloritut
naamassinikut Kandidatimut ilisimatusaqinnissaminnut Ilisimatusarfik sunik
neqeroorteqarpa?**

Akissut: Ilinniartitsisunngorniarluni bacheloritut ilinniarneq Ilisimatusarfimmi
ingerlanneqartarpoq. Isumaginninnermi perorsaasutut bacheloritut ilinniarneq PI/SPS-mi
ingerlanneqartarpoq.

Ilinniartitsisunut imaluunniit perorsaasunut bacheloritut ilinniarsimasunut maannakkut
kandidatinngorniarissamut neqerooruteqanngilaq.

**Apequt 2: Naalakkersuisut Ilisimatusarfimmi pædagogikimi kandidatitut
ilinniarfissamik pilersaaruteqarpat aammalu?**

Akissut: Ilinniartitsisunut perorsaasunullu bacheloritut ilinniarsimasunut kandidatitut
ilinniarneq pillugu aalajangersimasumik maannakkut pilersaaruteqanngilaq. Apequt 2a-
d-imut akissut takuuk.

**Apequt 2a: Naalakkersuisunit taamatut ilinniarfissamut ilinniarfissap
aaqqissugaanerani (studieordning) maannamut suliarinnittoqarnerisooq
ilisimasaqarpat?**

Akissut: Ilisimaneqarpoq, Ilisimatusarfimmit perorsaanermik ilinniartitsinermillu
sammisanut kandidatitut ilinniarneq sulissutigineqartooq.

**Apequt 2b. Taamaappat, sammivik sorlermita kandidatitut ilinniagassaq
pilersaarutigineqarpa?**

Akissut: Apeqqummut 2a-mut akissut takuuk.

Apeqquut 2c: Taamaappat, tamanna sumik tunngaveqarpa aammalu kikkut tassunga qinnuteqarsinnaajumaassappat?

Akissut: Uani bachelorit qanoq ittut tamarmik akuerineqarsinnaapput. Ilinniarnepur ilaatigut pisortat suliffeqarfiinut ilinniarsimasuuneq siunertaraa, pissutigalugu perorsaanikkut suleriaatsimi angusassanik toraagaqarneq pisariaqartinneqarmat, pissutigalugulu uppersaaneq, nalilersuineq aamma perorsaanikkut aqutsineq kiisalu ineriartorneq suli annertuumik ukkatarineqarmat.

Apeqquut 2d: Taamaappat, ilinniagaq tamakkiissumik qanoq akeqassangatinneqarluni naatsorsuutigineqarpa?

Akissut: Ilinniarnepur suliaqarneq aningaasartai taaneqarsinnaanngikkallarput, suliaqarneq suli tassunga killingimmat.

Apeqquut 3: Eqqortuusimappallu, ilumoorpa Ilisimatusarfiup ilinniakkamik nutaamik neqerooruni ilinniakkap aaqqissuusaanera (studieordning) ukiuni marlunni nittartakkaminni neqeroorutigeqqaarlugu ilinniagaq aallartissinnaasartuq?

Akissut: Ingerlaqqiffiusumik ilinniarfiit pillugit Inatsisartut inatsisaat nr. 14, 12. juni 2019-imeersoq naapertorlugu, kingusinnerusukkut allanngortinneqartoq, nalunaarutigineqartorlu inatsimmut nalunaarutikkut nr. 18 27. april 2023-meersukkut § 17, Imm. 3-mi. aalajangersarneqartoq. "Ilinniakkat aaqqissugaaneri ukiup ilinniarfiusup aallartinneraniit atortuulertassapput. Ilinniarnepur aaqqissuussinerit, ukiup ilinniarfiusup tulliani aallartittumi ilinniagaqartunut atuuttussat, qinnuteqarnissamut killissarititaq i § 19, imm. 1-mi aamma 2-mi aalajangersarneqartinnagu ilinniarfiup nittartagaani tamanut saqqummiunneqarsimassapput."

§ 19-mi aalajangerneqarpoq: "Ingerlaqqiffiusumik ilinniakkanut augustimi imaluunniit septemberimi aallartittussanut qinnuteqarnissamut killigititaq tassaavoq 1. marts, taamaattoq tak. imm. 2.

Imm. 2. Ilinniarfiit qaffasinnerusumik ilinniakkanut ataasikkaanut tunngatillugu aalajangersinnaapput, ilinniarfiit upernaakkut semesterimi aallartittussanik ilinnialertussat akuersiniallutik. Upernaakkut semesterimi ilinniarfiit aallartittussanut qinnuteqartitsinermi ilinniarfiit tunngortitsinermilu periutsit, tamatumunnga ilanngullugit qinnuteqarnissamut akissuteqarnissamullu killiliussat, malittarisassat ilinniarfiup aalajangersagai nittartakkatigullu tamanut saqqummiussai malillugit pisassapput."

Apeqquut 3a: Taamaappat, suna tunngavigalugu taamaappa aammalu tamanna taamaassimappat imatut allanngortinneqarsinnaanerpa, ilinniakkap aaqqissuusaanera (studieordning) Aammalu imarisassanut suliarinnittussat piareeqqappata ilinniagaq ukiut marluk nittartakkamiitseqqaanngikkaluarlugu ernertumik aallartinneqarsinnaanissaa?

Akissut: Qinnuteqarnissamut killiliisoqannginnerani ilinniarnepur aaqqissuussinermi tamanut saqqummiussinerup, ilinniakkamut qinnuteqartut ilinniakkamut qinnuteqannginnerminni taassuma imarisaanut isummersinnaanerit qulakkeerpa.

Ilanngullugu apeqquut 3-mut akissut takuuk.

Inussiarnersumik inuulluaqqusillunga

Aqqaluaq B. Egede